



Ямде лий

ВЛКСМ МАРОБКОМЫН ОРГАНЖЕ

АДРЕС: Йошкар-Ола, Пограничный урем, 45, „Ямде лий“ редакций.



ДОСТОЙНЫЙ КАНДИДАТ-ШАМЫЧ

16 февральште мемнан республикысе кум округлаште СССР Верховный Советыш депутат-шамыч сайлымаш, а 23 февральште районный ден сельский советлашкышт посна избирательный округлаште депутат-шамыч сайлымаш эрталаш.

Республикыште Сернурский, Мари-Турекский ден Йошкар-Олинский городской избирательный округлаште СССР Верховный Совет депутат-шамыч выдвигателен.

Сернурский МТС, МТМ-ысе пашазе, служащий да инженерно-технический пашаенгышт Сернурский избирательный округ деч



СССР Верховный Совет Союз Советын депутатышкыже кандидатлан ВКП(б) Маробком секретарь В. М. Кушнарев йолташым выдвигателен. „Мариец“ янда заводсо пашазе, инженерно-технический пашаен да служащий - шамыч Мари-Турекский избирательный округ деч СССР Верховный Совет Национальность-шамыч Советын депутатышкыже кандидатлан Марийский АССР Калык Комиссар-шамыч Совет председател Я. И. Абрамов йолташым выдвигателен. Йошкар-Ола кўртньо корно станций депосо пашазе, инженерно-технический пашаен да служащий - шамыч Йошкар-Олинский городской избирательный округ деч СССР Верховный Совет Национальность-шамыч Советын депутатышкыже кандидатлан Марийский АССР Внутренний паша Калык Комиссар, орденоносец М. Н. Иванов йолташым выдвигателен.

Кум избирательный округласе шемер-шамыч кандидатлан выдвигателен В. М. Кушнарев, Я. И. Абрамов, М. Н. Иванов йолташ-шамычын кандидатыштым ик йукдене поддерживатлат. Нине йолташ-шамыч калыкын ушанжым чечене шуктат манын избирательный

КОЛХОЗЛАН ПОЛШАТ

Тунемше-шамыч — Александр Василь, Илюткин Алексей, Никифоров Алексей да Курсов Юрий шукерте огыл „Мастар вий“ колхозлан 8 центнер ломыжым да 2 центнер кайык терысым поген пуышт.

Гайкин Акнаш.

Сотнурский район, Кутюк-Кинер школа.

ратель-шамыч ушанат. Сайлымаш кечын—16 февральште нуно чыланат коммунист ден беспартийный-шамыч Сталинский блокын кандидатше-шамыч верч ик йукын голосоватлаш туналыт.

Кызыт агитатор - шамыч избиратель-шамыч коклаште кугу умылтарымаш пашам ыштат: избирательный законом, Сталинский Конституцийым умылтарат. Теат пионер ден школь-

ник-шамыч сайлыме положенийым умылтараш полшыза. Ял совет, лудмо порт, колхозный правлений, клуб-шамычым плакат, лозунг дене сбрастарымаште, избирательный участкылаште лумым, фамилийым чын возымо але уке—проверятлаш, пырдыж газета лукташ полшен кертыда.

Сайлыме кечым куанен вашлийына

Вашке СССР Верховный Советыш сайлымаш туналеш. Тиде кечылан мемнан 8-ше номеран отряд виян ямдылалтеш. Кызыт ме пионер комматом, лудмо залым портрет, лозунг-шамыч дене сбрастарена. Сайлыме кечылан лумын ик номер пырдыж газетым луктына.

Теве Эдельман Мина, Гребеншекова Ира да Панова Шура сайлыме кече лумеш альбомым ямдыленит. Тиде альбомышто Ленинын, Сталинын илышышт ончыктым.

Вышивальный кружок советский летчик - шамычын илышышт гыч тўрым ямдылен.

А 15 февраль кастене пионер-шамыч избиратель-шамычлан концертым ончыктат.

Чернова Валентина.

6-шо номеран средний школын старший пионер вожатыжы.



Пионер ден школьник-шамычын модышышт



Каныш кече. 200 наре йоча-шамыч „Штурмыш!“ модышым эртараш погыненит.

Аралалтше (северян)-шамыч шке позицийышкышт каенит. Нуно 53-ын улыт, кызытсе тактикын чыла правилыже почеш чодра коклаш пеш мастарын маскироватлалтын да чап-лын аралалтын. Южный группышто ечызе-шамычын 3 взводышт, тушто 123 ен. Ечызе отряд наступленийлан ямдылалтеш. Разведчик-ечызе-шамыч — Симонов ден Рождественский противникин аралалт-машыже нерген пален налыныт. Наступатлыше-шамыч боевой порядкыш шогалыч да пулемет дене луйкален, северян-шамычын монтеш шкеныштын аралалтме верышкышт чактареныт. Варажым южан-шамыч нугыдо роца дене писын ончык каен колтышт, но чарарак верыште аралалтше-шамыч кенета пуле-

мет дене чот луйкалаш тунгалыч.

— Лап возаш! — командир-шамыч Ачеев, Кальнов да Бирюков отрядын командирже деч боевой заданийым налыт: атакын рубежше марте взвод-шамычын наступленийын нанта-яш.

Нушкын, кучыкын куржын, йбнан лап вер-шамыч дене пайдаланен, пулемет дене луйкален, южный группа наступатла. Нунын аралалтше - шамыч чарныде луйтат. Теве атакын рубежше. Кажне взводлан



атаковатлаш объект пуалтеш. Винтовка, пулемет-шамыч луйтат. Ручной граната-шамыч пудештылат. Аралалтше - шамычын кок пулеметыштстрой гыч лектын. Наступатлыше-шамыч „Ура!“ кыкырат. Юнармеец-шамыч ечыштым куда-шын, револьверым кучен, гранатым кышкен, штурмыш каят. Ваштареш северян-шамыч лектыч да контратакым тунгалыч. Но Южный группын вийжым чактараш ок лий, нуно кугу шыктымашым ыштат. Северян - шамыч монтеш чакнышт.

Тыге наступатлыше-шамыч сентышт. Модыш онга-йын эртыш. Модыш деч вара йоча-шамыч куанен монтешкышт шаланышт. Нуно тиде модышым эше ик гана эртараш решитлышт.

Е. Коробицын, А. Соснина.

Звенигово пашазе поселок, средний школа.

У КЛАССНЫЙ ОРГАНИЗАТОРЫМ САЙЛЫШНА

20 январьште II-шо полугодийлан у классный организаторым сайлашлан классный погынымашым эртарышна. Тиде погынымаште классный организатор Пирогова Зоя икымше полугодий жапыште ыштыме пашаже нерген отчетым ыштен.

Мемнан класс тунемме пашаже дене але моктанен ок керт. Но икымше чырык дене тагастарымаште ятыр ончык каен улына: 1-ше чырыкыште 9 йоча начар отметка дене тунемын гын, кокымшо чырыкыш 4 йоча начар отметкышт уло. Чыланат тыршен тунемыт ыле гын, тиде начар отметкышат пытараш лиеш ыле. Теве Пирогова Люба, Михеев Петя, Пирогова Ксения, Сидоркина Тоня да моло-шамычат сай тунемыт, нуно классын чечтыше верч кучедалыт. А вот Михеев Коля, Михеева Даша, Мамзона Грания гын, тунемме пашалан але серьезно пижын огытыл.

Мемнан класс сай тунем-шаш верч да сознательный дисциплина верч 5-ше „Б“ класс дене соровноватла. Кажне йочан сообразительным кузе шуктымжо нерген „Искра“ луман пырдыж газета гоч ончыктен шоген улына, атак классный погынымаште ойлымо.

Кокымшо полугодийлан классный организаторлан отличница — Пирогова Люба сайлышна.

Елсукова Люся.

Кузнецкий средний школа, 5-ше „В“ класс.

ВКП(б)-н XVIII конференциялан мемнан пблбкна

ВКП(б)-н XVIII конференцияжым отлично тунемын вашлияш мутым нална. Ме пырдыжеш „XVIII партконференциялан мемнан пблбкна“ спискым ыштен сагышна. Тыште отличник-шамычын фамилийышт возалтеш. Тунемше-шамыч чыланат тиде спискыш верешташ тыршат.

Теве Корольков Евгений ден Шинов Миклай отлично тунемыт, нунын фамилийышт спискышке пуртымо.

Савинов Сергей.

Звениговский район, Шоленгерский начальный школа.



4 февральыште К. Е. ВОРОШИЛОВЫН шочмыжлан 60 ий темеш

Климент Ефремович Ворошилов

ПЕРВЫЙ МАРШАЛ

Климент Ефремович Ворошилов 1881 ийын 4 февральыште Донбассе, пашазе ешеш шочын. Тудо изинекак тарлат намам ышташ тунгалын.

1896 ийыште Ворошилов йолташ «Дюмо» металлургический заводшын паша ышташ пурен. Тушто тудо революционный кружокым организоватла.

1903 ийыште Ворошилов Российский социал-демократический пашазе партийыш пур да большевик лиеш. Тудо Луганск (кызыт Ворошиловград) олаште 1905 ийыште пашазе-шамычын забастовкыштым вуйлатен. Кокымшо забастовкым темдалмек, Ворошиловым тюрьмаш кетеренет да тушто 1905 ий пытымеш шинчен.

Климент Ефремович 1906 ийыште Стокгольм олаш партийын IV с'ездыжыке кайшыла первый гана Ленин дене нашлаш.

1907—1914 ийлаште Ворошилов йолташ шуко жапшым тюрьмаште, архангельский ден чердынский ссыл кылаште эртарен, ссыльный-шамыч

ноклаште политический паша ыштен. 1907 ийыште тудо ссылка гыч шылын да Сталин йолташ вуйлатыме почеш Баку олаште пел ий угла партийный пашам ышта. Импералистический война жапыште Ворошилов Царицынсе да Петроградсе заводлаште паша ыштен. Тунам тудо империалистический война гражданский войнах савырмаш верч кучедалеш. 1917 ий февральский революций ден вара Ворошилов йолташ Луганск олаш каен да тушто социалистический революцийла ямдылалташ пашам вуйлатен.

1917 ий декабрьыште Ворошилов йолташ Петроградше каен, тушто тудым Петроградский комиссаржылан шогалтенет.

1918 ийын март гыч Ворошилов йолташын военный пашаже тунгалеш. Тудо Луганскыште 1-й Луганский социалистический партизанский отрядым ышта да тудым вуйлатен, Укра-

ИЧ членлан сайленет. 1921 ийыште тудым Северокавказский военный округым командоватлышылан шогалтенет, 1924—25 ийлаште Московский военный округым командоватлен. 1925 ий ноябрь тылзе гыч, М. В. Фрунзе колымо ден вара, Ворошилов йолташ военный да морской паша дене калык комиссар постышто, 1934 ий гыч—СССР оборона калык комиссар, 1940 ий гыч СССР СНК председателышын заместительже да СССР СНК пеленсе Оборона комитетын председателыже, 1921 ий гыч ВКП(б) ЦК член, а 1926 ий гыч—ВКП(б) ЦК Политбюро член.

Климент Ефремович Ворошилов Сталин йолташын лишыл соратникше. Революций ончыла чапле заслугым ыштымышжлан Ворошилов йолташ кок Ленин орден дене, ныл Йолкар Знамя орден дене да кум республиканский Трудовой Йолкар Знамя орден дене наградитлаштын.

1935 ийыште Ворошилов йолташлан Советский Союзын маршалже лумым пуымо.

Ворошилов йолташ СССР Верховный Совет депутат.

Сулейман Стальский
ВОРОШИЛОВ

Мир аралше, кўртньо

Ворошилов йолташ! маршална,
Тыйденет сенген ме толына,
Ворошилов йолташ!
Красноармейский шўдырын
Йўдымат тул ден йўлат.
Крепостынан чыла с'равочшымат,
Ворошилов, аралет
Пусть тушман кержалтеш ўмба-
кына,

Керде писе, пала шинчана,
Сталинский вийн ме улына
Ворошилов йолташ.
Шогалына ме шыдын пырдыжла
Шочмо эл граница мучкыла,
Бойыш ямде ик ег гай чылан,
Ворошилов йолташ.
А кўлеш лиеш гын кредалаш,
Пыл гай лектына тушман сенташ
Мир ден законжым аралаш
Ворошилов йолташ.
Да великий дружба-ден ырэн
Калыкна ила чот куанен,
Сенгымашым от пытаре шотлен,
Ворошилов йолташ!
Антонов Ивук кусарен.

КОНАРМИЙ

1919 ий. Совет эл йырым-ваш кольча семын авыралтын. Колчак ден Деникин йолкар Москвашке чымат.

Ворошилов 14-ше армийым командоватлен, деникинский полчище ден Украинным арала. Йолкар часть-шамыч Екатеринославым коден каенет гынат, Ворошилов ола түреш кодын, толшо белогвардеец-шамыч колонным пушка дене лўйкален.

1919 ийын ноябрь тылзыште Сталин йолташын приказше почеш Первый Конный армийым ыштыме. Историыште уждымо тиде армийым вуйлаташлан Ворошилов ден Буденныйым шогалтыме.

Воронеж гыч Новороссийск марте, Умань гыч Львов марте, воктенсе степь гыч Крымысе курыкла марте Конармий корно дене эртен. Чылажат кучедалаш дене да вўр йоктарымаш дене налалтын. Йолкар конница деникинец, бе-
лополяк, врангелевец-ша-

мыч ўмбака мардежла каен. Кушто Конармий каен гын, тушто тушманын кышажат кодын огыл.

Икгана велэ огыл Клим Ворошилов колымаш ден случайно утлен. 1920 ийын октябрьский эрдене ала-кузе врангелевец-шамыч армийын отряд ялысе полевой штабышкыже керылтыныт. Имне ўмбака тўрштен шинчын, Ворошилов ош имнешке-шамыч кокла гыч кудалектын. Нунын кокла гыч иктыже Климент Ефремович ўмбака пикым кудалтен. Пикын курткеш пижмыже дене гына Ворошилов колымаш ден утлен.

..Гражданский война пытен. Но Клим Ворошилов эшеат бойышто.

Северо-Кавказский военный округысо войскам командоватлен, тудо 1926 ий марте князь Ухтомский ден Джантемировын, Марченко, Пржевальский генерал-шамычын, белогвардейщинын моло косаже-шамычнат бандыштым шалалтылеш.



Снимкыште: (Шола гыч пурлашке) С. К. Тимошенко, С. М. Буденный да К. Е. Ворошилов. (1920 ий декабрь).

ПУЛЕМЕТ ДЕНЕ

Тиде случай Воропоново станцийыште лийын. Станций Царицын ден тора огыл. Ты ганжлан паша тыге лийын.

Шажым, октябрь тылзыште, фронтышто орудий-шамыч уэш мўгыраш тунгалыч. Ошо-шамыч мемнан элыш эше ик гана пураш тўчышт, нуно Волга дек лишемнешт ыле.

Ворошилов, молгынамсе семынак, кредалмашым мўндўрчын, ола гыч вуйлатен шогалыш кўнб. Латандашымше числаште Ворошилов штабной вагон ден Воропоново станцийыш толын. Тунам ты кечылаште мо лиймым умлаш йўсб ыле.

Тунам мемнан орудий велэ огыл, паровозат шагал ыле. Сандене изи станцийыште нимо шотат уке ыле. Кўртньо корно кужу поезд-шамыч ден темын, утларакше шем-йолкар тўсан товарный вагон, теплушка-шамыч ылыч. Штабын окнаж гыч вагон - шамыч мучашдым койныт. Ик теплушкышто сусыргышо-шамыч кныет, нуным кызыт гына фронт гыч конденет, йўдым тудо фронтышто кугу кредалмаш лийын.

Лач кечываллан Ворошилов помощник - шамычым вагоныш совещанийым ышташ ўндыктыш. Йолкар частыш командиршын карт ўмбалам кумык лийын, ошо-шамычым кўжен лукташлан мом ышташ кўлмб нерг-канажыныт. Кенета окна йы-

ныште оккупант-шамыч вазтареш кучедалеш.

Сталин йолташ дене пырля тудо Царицыным героически аралымашым вуйлата. 1918 ий мучаш гыч Ворошилов йолташ Украинныште внутренний паша калык комиссарлан, Харьковский военный округ командующийлан паша ыштен.

1919 ийыште Климент Ефремовичым Реввоенсовет членлан да Сталин йолташын тўгалмыже почеш ыштыме Первый конармийын политический руководительжылан шогалтенет.

Партийын X с'ездыштыже Ворошилов йолташым РКП(б)

малне шучкын магырыме ўдрамаш йўк шоктыш:
— Утарыза! Утарыза! Ошо-шамыч!
Тылеж вара мо лиймыжым возен мошташат ок лий.

Шонго ўдрамаш, икшыве-шамыч—чыланат вагонла гыч, теплушкыла гыч лектын орышыла пасушко куржаш тунгалыч. Нуно чыланат, лўдымшт ден агырген, рельс мучко курштатыштыт, кычкырат, шортыт, икте-весеыштым руалткалат.

— Утарыза! Утарыза!
Тарваныл керше да винтовкан сусыргышо-шамычат шке теплушкышт гыч куржын лектыч. Иктышт бинтоватлыме кидышт ден винтовкыш шыкым кередат, весышт затворым пўйышт ден пурлын почыт. Нунынат илымышт шуэш, шке илышыштым арамыш ынешт пу. Но нуно пеш шагалын ылыч, моткоч шагалын!..

Ворошиловат шке штабше ден пырля платформыш лекте. Первый коммунистический дивизийын командиржым йол гыч сусыртенет. Тудын йолышкыже бинт ўмбака ала кўн кугу туфлым чиктенет. Тиде командир куржыш-шамычым чараш платформын куржын лекте. Тудо сбрваленат ончыш, лўдыкташат тўныш, но нимат ыш полшо. Шонго ден ўдрамаш-шамыч, лўдымшт ден уждымо гай лийын, нигмат, нимат ко-

лын огытыл.

Лўдын пытыше беглец-шамычын шенгекыла савырнен шучкын ончымо велышкыла, югыш, Ворошилов ончале. Да, паша томам! Станций йыр кумда степыште лышташдыме, чара сад-шамыч велэ койыт. Сад шенгелне, пушенге укш кокла гыч Ворошилов ужеш: станций декыла шўдб, кок шўдб, вич шўдб, мучашдыме ошо-шамыч кудал толыт... Очыни, нуно мемнан тылыш ала кужеч вонченет.

Ынде мом ышташ? Аралалташ ок лий. Кызш? Уке, каяш огеш лий. Нине мирный, аралалтдыме ег-шамычым, шонгым, йочам да ўдрамаш-шамычым тушманлан кодаш лиеш мо? Кидыштына кеч ик пулемет лиеш ыле гын... Но пулемет уке! Тугеже—ик корно велэ кодын: кредалмашеш колаш...

Ворошилов шке йолташ-шамычын ончале, вара вуйжым рўзалтышат, ваче гычше шкенжын йбратыме изи кавалерийский винтовкыжым—карабинжым налэ. Ошо-шамыч лишн-к улыт, копа пувдаште улмыла раш койыт. Нуно корем дек кудал толыч. Тиде коремше степь мучко станций векила шуйнен кия. Ошо-шамыч коремеш шылыч. Иктаж кок-кым минут гыч нуно тиде лаке гыч тўрштен лектыт, теве тушто, кок пушенге коклаште лийт, тунам вара...

Штабшыште ыштыше ик красноармеец шенгечын толын

Ворошиловым кынер-вуй гыч шо эркын тўкалтыш:

— Командарм йолташ, — пеле йўкын ойлаш тўчылеш тудо. — Тыйын имнет сай. Приказатле — имнетым кондем. Шич да кудал... Икта кузе ала утлет.

Ворошилов пеш чот сырен кудалтыш, тудын тўсыжат вазталте. Тудо ойлышо ег могырыш содор савырныш. Ала мом каласынеже ыле, кенета... Кенета тудо ик гана тўршталтен платформышто лие. Пулемет! Тудо пулеметым ужыни!

Платформышто, шолтымо вўдлан шындыме ужар бак дене, пырдыж воктен лўяш ямдылыме пулемет шога. Очыни, тудым тыжак охрача шынден коден, варажым лўдын куршалмышт годым, тудын нерген монденет.

Иктаж кок-кым секунд гыч Клим Ворошилов пулеметым кыже гыч руалтен кучыш, платформа мучашысе изи канава дек нангайыш, вуйжо ден коремышкыла викарыш, лентым чиктыш... Лўяш ямде!

Ончыло имнешке - шамыч тўшкан - тўшкан шакшыштым луктын, корем гыч тўрштен лектыч. Нимо ден аралыдыме станций марке нунылан толалышт корно виш ыле. Иктаж минут гыч нуно тыпшат лийыт ыле.

Но ты жапыште пулеметын лўйкалыме шучко йўкшб тымыкыште шергылте. Командармын уста кидше пулям йўр семын ошо тўшкыше тура кола.

Минутышто кум шўдб пуля, секундышто визыт. Вучыдымо колымаш!

Ош имнешке - шамыч кугу бритве ден пўчыла пытышт. корем воктене степышге изи шем тамка-шамыч кояш тўналыч—тушто колымаш да сусыргышо имне, ег-шамыч кийылдыт. Южо вере колымаш ден утлен кодымо посна имнешке-шамыч ўртнерыш лач лийын степь мучко мўндўркб кудалтыт... Ворошилов дек чыла вел гычат ег-шамыч куржын толыт. Ала кужеч вес пулеметымат кондышт. Кредалмашеш сентыме.

Командующий пулвуй ўмбака кынен шогале, тушман могырыш ончале да шыргыжал келтыш. Но тунамак тудын сангаже куптыргыш.

— Ну вот! — каласыш тудо. — Тыгеже сайрак лиеш. Станцийын охраниже кушто ыле? Тыге оролат мо? Штабначальник йолташ, тиде пашалан шке пижса. Чот эскераш кўлеш. Нуно вийнен шуктат гын, вара адак мемнан ўмбака кержалтын кертыт. Мый декем комендантым ўжын кондыза-ян!

Тудо пулвуй гычшо ошмэм ўштыладе, ваче гочшо карабинжым пыштыш да уэш вагоныш кайыш.

Йолташ-шамыч, пурыза мый декем! Совещаний але ыштен огыл...

Л. УСПЕНСКИЙ.



ПҮЯ ВОКТЕНСЕ ЭР

Шыпак велә. Лач мардежше
Эркин шүргым ниялта.
Ужаргалше чашкерлаже
Ончен вудым нералта.
Кычкыралыч ужава-влак,
Шушпык колтыш муралтен.
Шыңа-шамыч шолыт пыл-
ла,

Кайык эртыш чонештен.
Нарынче пеледыш-шамыч,
Лупс леведын шудымат.
Мөдөвуй-шамыч кокла гыч
Йоча-влак лүшкен эртат.
Энер вондым, шукшым

налын,
Эр лупсым шыман тошкен,
Ужар шудым даптырталын.

Эртышт нуно олык ден.
Миен шуыч пүя деке,
Тура күкшө сер воктек.
Мөдөвуй кодо шенгелне,
Колым кучо ынде тек!
Чолгыжеш яндар каваже,
Йоча-влак шинчат шыпак.
Ийын эртышт лудо-влакше;
Поплавокшо—вуд йымак...

Южышто шүшкен лупшалте
Кужу, шем энер тоя.
Колжо чолгыжын төрштал-
тыш,

Койын кодо ший гаяк.

А. Колесов.

Анатолий Бик кусарен.

Н. И. Бирюков

Вучымаш

(Октябрат-шамычлан)

Мемнан дек вашке толеш—
Чеве шошо, сылне пеш!
Нянька дене тунам ме олыклаш
Каена пеледышым погаш.

Нарынчалгым да пелгандым,
Да чыла тугай сбралым
Нянька веноткам мланна пидеш:
—Вот, йоча-влак, тендалан

лиеш,
Шошо пөлбккылан кажыдам!
Мурена

Тудлан ме мурным.
Куд ий гыч вел темын мемна-
лан.

Колтена саламым Сталинлан—
Кажне чапле пашалан!
Илышна пеледын вишныла
Садыште, йылт кайык гай илена,—

Пусть эше изи ме улына,
Илена ме модыден,
Хор ден мурым муралтен.
Антонов Ивук кусарен.

Тиде странициште Марийский АССР-се руш
поэт-шамычын йоча-шамычлан возымо почеламутыш-
тым печатлена.

А. Р. Овчинников



Волга! Волга! Адак ончылнемже
Мутланен кийше толкыным вошт нангае.
Вашлиям эре тыйым йөреш родной

семын
Тый эн сай шонымаш ден ушем пожал-
тет.

Тый кугу шолшо илыш ышташ мыйым
ужыч

Мыйым сокол гай күш кұзыкташ шоне-
нат.

Да тьяк шергытталын мураш йүкым
пушыч

Тый шыматышыч шочмо ава семынат.
Эрта кече, каем шукулан мый тышечын

Кө пала, пörтылам мо уке тыш кунам...
Да, йоратыме Волга, кертам мо келшен

мый
Тыйым йылт ом уж манын тетла нигу-
нам!

Антонов Ивук кусарен.



Теле кечын.
Шабруков Миклайын сүретше (Янык ял, Кукнурский сельсо-
вет, Сернурский район).

Юрий Петров

ПЫТАРТЫШ ГАНА

Йоча-влак, кастене
Тымык пагытлан,
Чием мые ечим
Пытартыш ганалан.
Каем кұвар велыш,
Энер умбакат,
Шогем пүнчө дене
Да сер тұрыштат.
Йылгыжеш шинчашке
Шудыр тул йулен.
А шога умбалне
Чодра кандалген.
Энерже тасма гай
Чонга вач коеш.
...Куржылда эрталын
Теле лай мардеж.

Пусть эрталже теле
Жалке мо мылам?
Йоча-влак, чуте велә
Кодын ойгыраш!..
Вет шуэш кенегеже
Тунална кучаш:
Олангым, пардашым,
Малыше колымат.
Кайна йуштылаш ме,
Пеледыш погашат.
Но пусть мардеж кызыт,
Иуштө пушлана...
Каем ече дене
Пытартыш гана.

Антонов Ивук кусарен.

Аза малтыме муро

Ава эргыжым рүшпен,
Эркин мурым муралтен:
„Йораталме чукаем,
Мале сайын, тый, ласкан.
Омешетше кончыжо
Пусб шашка боевой,
Мундырысб граница да
Орден кончыжо шөртия.
Кушкын шуын лиялат,
Сокол гае тый герой!
Шке аватым шарналтет,
Пече денсе чашкерымат.
А кунам толеш гын тыш

Шыде, шучко нелә жап,
Кушкыжалын өртнередым
Имнембаке тый шинчат.

Вара гордын, веселан
Тушман ваке кудалат,
Чодрасе корем гочын
Пеш эрдене тый эрак.
Мале, эрге-чукаем;
Шогат тунб ўвб-влак;
Кубанят йоген эрта;
Мардежат модеш эртак.

Макс Майн кусарен.

Эргымлан

В. Диков

Пел йуд. Шыпак. Мый ом
мале,
Тиде йуд ом керт мален.
Таче шонымо мечтамым
Ойлыде ом керт чытен.
Тылзе мыйын окнашкем
Канде шүртым шуялтен.
Ой кузе мый ойлынем
Изишак иктаж кө ден.
Кече деч, куан, чот шыр-
гыж!
Шочын эргым—чукаем.
Эрык элын гражданинже
Эрык илышын айдем.

„Тый чудесный жапеш
шочшо,
Лудде илышыш пурет.
Тошто, нелә, йбсб жапше
Огеш толыс тый декет.
Тенгыз дене океаным,
Поян курык дене мландым
Аэроплан ден поезд-влакым,
Ола ден корабль-влакым—
Мом чыла ужат, палет раш
Тиде тыйын, чукаем!
Кө эше тылеч поян чот,
Мыйын советский айдемем?
Мале, эргым! Куш пиал ден,
Йоратал тый шкендын
элым...

Но тыге чот куанымек
Ала мый огай коям,
Ты пычкемыш кастенак
Тудлан стихым сералам:

Йуд шыпак. Тылзат эртен,—
Пунчерла шенгеге шылын.
Макс Майн кусарен.

РИФМА НЕРГЕН

Почеламут возымаште
ритм (размер) деч вара
рифма кугу верым налын
шога. Шуко возаш тугал-
ше-шамыч рифмым огыт
пале, сандене нунын поче-
ламутышт газетыш пурташ
огыт йөрб. Мутат уке,
почеламут возымо годым
идей, образность, ритм нер-
генат мондаш ок лий.

Почеламут корно мучаш-
те ик гай йүк-шамычын
(ик слог деч шагал огыл)
йонгалтмыштым рифма ма-
ныт. Вес семынже рифмым
корно мучаш-шамычым ик
йүканыш келыштарымаш
манашат лиеш.

Сай рифман почеламутым
тунемаш куштылго, саллан
тудо шонымашым ушеш
кодаш полша. Почеламутын
рифмыжым палет гын, моло
мут-шамычше шкак лектыт.



Мемнан Советский эпо-
хын эн талантливый поэт-
ше Владимир Маяковский
„Как делать стихи“ статьяш-
тыже рифма нерген ты-
ге возен:

„Рифма мемнам ончыло стро-
ка дек савыра, тудым ушеш-
тараш күшта, ик шонымашым
(мысль) оформитлыше чыла
строка-шамычым ик верыште
шогаш заставитла. Мый эрек
самый характерный мутым стро-
ка мучашеш шындем да кеч
кузе гынат тудлан келышыше
рифмым муам. Рифма строка-
шамычым кылден шога, санде-
не тудын материалже моло
строкалан кучылтмо материал
деч эшеат пеггыде лийман“.

Санденак вет Маяков-
скийын почеламутшо - ша-
мыч идей да содержанияй
шотышто гына огыл, рифма
шотыштат поснак ойырте-
малт шога.

Рифмым сайын пален
налашланже, йоча-шамыч,
моло поэт-шамычын возы-
мо стихыштым сайыншым-
лен лудса. Теве тыланда
ик пример:

Кайык-шамыч араМАШТЕ
Мурышт мурыштым таЗАН.
Мом гын тиде мурыМАШТЕ
Колын партиЗАН

(Н. Казаков „Партизаным
лүйымаш“)
Тиде куплетыште первой
корно ден кумышо корным
(арамаште — мурымаште),
кокимшо ден нылымше
корно-шамыч (таЗАН—пар-
тиЗАН) келыштарыме улыт;
тыге корно гоч келыштары-
машым перекрестный рифма
манят.

Келыштараш вес түрлы-
нат лиеш. Мутлан:

Пеш умбалне—пеш гораАШТЕ,
Канде тенгыз лүшкыМАШТЕ,
Лач тушакын, кушто кЕРЧЬ
Колыш каче илыш ВЕРЧ
(Н. Казаков „Шарнымаш эре
кодеш“)

Тиде примерыште первой
ден кокимшо, кумышо ден
нылымше корно-шамыч ке-
лыштаралтыныт; тыге йы-
гыре рифмым ыштымашым
парный рифма манят.

Келыштараш первой ден
нылымше, кокимшо ден
кумыш корно-шамычымат
лиеш. Только иктым мон-
даш ок кұл: ик почеламу-

тын первой строфаште риф-
мым кузе ыштет, умбакы-
жат, мучаш шумешке, пер-
вой строфаште ыштыме
семынак рифмоватлыман.

Рифма-шамыч „мужский“,
„женский“ да „дактиличе-
ский“ да моло түрлыланат
шелалтыт.

Теве:
Шушкарте тый талын,
Мемнан парОВОЗ!
Моткоч кугу тыйын
Наггайме ВОЗ.
(Н. Казаков „Поезд“).

Ме күшнб, рифма тиде
корно мучаште ик гай йүк-
шамыч йонгалтмаш, манын
ойленна ыле. Тиде йонгалт-
маш (ударение) корно му-
чаште пытартыш слогеш
логалеш гын, тыгай рифмым
мужский рифма манят.

Ударений мучаш слог деч
ончыло слогеш логалеш
гын, женский рифма лиеш.
Теве:

Але кече лектын ОГыл,
Чылт ок шокто йүкшб ЛОГын
Шентечы кок слог ко-
ден кумышо слогеш ударе-
ний логалеш гын, тыгайым

дактилический рифма ма-
ныт. Дактилический рифма
ден-возымо стих марийский
поэзияште пеш шагал
теве тыгай:

Кече лекме ЧАсыште
Тышке толын мый коштам.
Шушпык мурым САдыште
Чон каненак колыштам.
(И. Осмин „Шошым садыште“)

Возаш тугалше-шамычлан
тидымат мондыман огыл:
рифмым келыштараш тыр-
шыме дене почеламутын
содержанийжым локтылаш
ок йөрб. Южо йоча-шамыч
рифмым келыштараш тыр-
шымышт дене мутым түр-
лб семын локтылит. Фор-
ма ден содержанияй чот
кылдаш шогышт да нуно
икте - весыштан ынышт
мешае.

Йоча-шамыч, почеламу-
тым возымо нерген адак
мом огыда пале, редакци-
йыш возыза.

Анатолий Бик.



Кинош снматлат

Кинооператор—К. Мотков.

1. ТИГР КИНОАППАРАТ ДЕЧ ОГЕШ ЛҮД

— Тендам изи экспедицийыш колтена,—мыйым студий директор вайлийын пелештыш,—тигрим снматлаш кӱлеш.

Поезд мемнан станицийыш кондыш. А станиций дең умбалне мучашдыме кумда тайга шарлен кия.

Ме поезд гыч волен, лишыл койхозыш ошкылна, тушто тигр почеш кошшто знаменитый охотник—Амосов йолташым кычал муна. Тудо тигрын коштмо вержым сай шинча.

Тудо мыланна тигр-шамычын вӱд йуаш коштмо корныштым ончыктыш. Тигр тиде верышке вӱд йуаш толеш гын, тудын кугу да виян капшын ӱмылжӱ вондерыш возеш маным ме определитлышна. Ме тиде верышке писын гына фотоэлемент манме изи аппаратын полымжыме дене портрет аппаратым шогалтышна. Тиде чудесный аппарат волгыдо дене пашам ыштен кертеш. Тигрын ӱмылжӱ фотоэлементым петырен гына шукта, аппарат автоматический почалтеш да шкеак снматла.

Аппаратурым шогалтымек, ме тунамак ӱрдышкӱ коранна да тигрын толын лекмыжым эскераш тӱнална.

Шуко вучышна. Вучен ӱрканашат тӱнална.


Кенета Амосов йолташ парняжым тӱрвышкыжӱ тушкартен, шыпак кидше дене йол корныш ончыктыш. Тудын кидыштыже сузыртымо пале ыле. Тиде тигр дене кредалым палыкта.

Йолкорно дене эркын да шекланенрак йытыра уссурийский тигр кая.

Аппарат шогымо верышке толмеке, тигр кенета шогале да ик жап шогыш, вара шыга дең йыгыжгышыла вуйжо дең рӱзалтен эңер деке кайыш.

Тиде жапыште мыйым ассистентем писын гына карабиным рӱзалтен нал да лӱен колтыш. Тигр тунамак ала-куш кудал шыле. Ме киноаппарат дек куржна.

Сниматлыме 17 метр кутышан пленкеш виян яныкын сӱретше лектын.



2. РЫВЫЖ-ШАМЫЧ „ФОКСТРОТЫМ“ КУШАТ

Те шонеда, рывыж-шамыч гыт кушто? Йонгыш лийыда. „Фокстрот“ мутнат, марлаш кусараш гын, „рывыж ошкыл“ лиеш.

Рывыж шкет илыше. Ик охотникат рывыжын тӱшкан коштыштым укын огыл. Нуно ик ийыште пеш шагал жап пырля лийыт.

Мый Бирюлинский янык совхозышто „Пушное Золото“ фильмым снматленам. Тушто чапле шем-сур рывыж питомник ыле.

Мыйын клетка дек лишеммем укын, рывыж-шамыч лӱдыч да шке „портшыкыш“ шылын пытышт. Тунам мый шыкыш кӱзышым да рывыж-шамычым шекланаш тӱналым. Мыйын полышкалышем аппарат дене ӱно вучен шога.

Кенета, ик клеткыште улош

рывыж-шамыч ончы йолыштым вав-важ кучен, шенгел йол ден шогалын кушташ тӱналгыч.

Мый сордор гына вышке гыч волымшым. Вара аппаратым налын, ме эркын гына клетке дек миен, аппаратым шындышна да снматлаш тӱнална. Рывыж-шамыч 6 секунд наре куштымек, аппарат шургымо йӱкым колын, тунамак шылыш.

Туге гынат ме 3 метр кутышан пленкеш шуэн ужмо янык куштымашым снматлен кертна.

Тиде „Пушное Золото“ фильмыште тӱрыс лекташ. Тендан дек мян гын, тудо фильмым те обязательно ончыза.

Казань,
Кинохроника студий.

Ме вашке кум оборонный значокан лийына

Мемнан школышто шыжымак ПВХО ден БГСО кружок-шамычым организоватлыме ыле. Кружок-шамыч пашаштым сайын ышташ тӱналгыч. Ме занятийыште противоздушный химический оборона нерген, санитарный паша нерген шуко пален нална.

Шукерте огыл БГСО ден ПВХО значокан нормым сдатлышна. Чылаже 40 туземше кок оборонный значокан лийыч. Каникул жапыште ме ече дене БГТО значокан нормым сдатлышна.

Потачкин Александр.

Сотнурский район,
Кереблякский НСШ.

Чыла нерген кудыкын

● 600 ий ончыт Северный Америкыште (кызыт Аризон штат) пеш кугу метеорит волен возын. Тудын волен вочмо, верыште 1200 метр кумдыкан да 175 метр келгытан вынем лийын.

● Бамбук пушенте ик кенже мучко кандаше-лу пачашан порт кӱкшыт кушкеш. Тидын дең вара тудо кушым чарна, ок кӱжгем. Ныла ияш тошто бамбук сталь гай пентгыде лиеш. Тудын дене пикным ышташ лиеш. Тыгай бамбукым товар дене румо годым тул куй гыч тул йып лекмыла тул лектеш.

● Тӱняште эн кугу илыме портым Лондонышто Темза сер воктен ыштыме. Тудо американский небоскреб гаяк кӱкшӱ огыл, но пеш кумда. Тушто 1200 квартир уло.



— Йыван, молан тый ече дене от тренироватле? Вет вашке соревнований эрталтеш.

— Мый кодыш ийнат первый верыш лектынам ыле, тенят садак первый верым мыланмак пуат.


Г. Китаевын сӱретше.



ГЕОГРАФИЧЕСКИЙ ЧАЙНВОРД

МУТ-ШАМЫЧЫН ЗНАЧЕНИЙЫШТ:

1. Кавказ курыкын [кӱкшӱ] верже. 2. Ола. 3. Эңер. 4. Союзный республикын столицыже. 5. Южный государство. 6. Национальность. 7. Индийский



океанысе остров. 8. Амур эңер воктенсе ола. 9. Северный ледовитый океанысе остров. 10. Жидкость. 11. Шем тенгызыш йоген пуршо эңер. 12. Кӱнчен лукмо поянлык. 13. Американский эңер. 14. Африкын южный ужашыже. 15. Средиземный тенгызыш йогымо эңер. 16. Европейский курык. 17. Средний Азиатский ола. 18. Северо-Американский пролив. 19. Волга эңер серысе ола. 20. Шунгалт йогымо вӱд. 21. Эңер.

КУГУЗОВ ИВАН составит-лен.

Косолаповский район,
Елеевский средний школа.



Йоча-шамыч!

Шуаш номер гыч шахматный задача-шамычым решатлаш конкурсым тӱналына. Чылаже 5 шахматный задача-шамыч лийыт. Конкурсышто участвоватлаш шонымо-шамыч вес № газетеш печатлатше задача-шамычын решенийже дене пырля лӱмыштым, фамилийыштым школьный да мӱнгысб адресыштым, могай классыште тунеммыштым ончыктен редакцийыш колтышаш улыт.

Сай результат ончыктышо-шамычлан пӱлӱк лиеш. РЕДАКЦИЙ.

Ответ-шамыч

(3 январьысе „Ямде лий“ газетым ончо)

Чайнворд. 1. Елка. 2. Аэроплан. 3. Нил. 4. Лум. 5. Микроскоп. 6. Пире. 7. Ече. 8. Ер. 9. Ромб. 10. Бомба. 11. Автор. 12. Радио. 13. Орден. 14. Новосибирск. 15. Кино. 16. Оптика. 17. Атлетика. 18. Афиш. 19. Шимпанзе.

Тушто. Календарь.

Пуртымо шахматный задача-шамычын решенийышт

1940 ий 26 октябрьысе 48 № газета. 3 ходышто мат. 1. Кс4:d6 Сf8:d6 2. Кf5—g7+К h5:g7 (але Кре8—e7) 3. Фf3:f7X(редакцийын титакше дене тиде задачын решенийже йонгылыш ончыкталтын ыле).

1940 ий 23 ноябрьысе 52 № газета. Шуэн вашлийме позиций. Ошо-шамычын пыртартыш ходышт: Кре4—f5. Ошо-шамычын f1 полеште ладьяшт ыле. Король дене коштмо олмеш ошо-шамыч Сd6—c4 ход дене шемылан матым пуэн кертыт ыле. Король дене каймышт дене нуно g2 полеште шогышмо шем пешкылан ош ладьям кочкаш йӱным пуэныт да шке матым налыныт.

1940 ий 7 декабрьысе 54 № газета. 2 ходышто мат. 1. Фе2—h5 Тыгай вариант уло: 1..... d5:e4 g2—g3X; 1..... Фb4:e4 2. Сg7:h6X; 1..... Кp4:e4 2. Фh5:f3X; 1..... Ch7:e4 2. Сg7—e5X; 1. Кс3:e4 2. Лd3—f3X.

1940 ий 21 декабрьысе 56 № газета. 2 ходышто мат. 1. Фh5—f5. Тыгай вариант уло: 1..... Кс6:a5 (Кс6—d4) 2. Ке4—d6X; 1..... Крс4—d4 2. Ке4—g5X; 1..... Cd5:e4 2. d2—d3X; 1..... Крс4—b5 2. Сg2—f1X; 1..... Фg8:g4 2. Фf5:d5X; 1..... Кс6:d8 2. Кb7—d6X. (Газетыште печатлыме диаграммыште ик йонгылыш уло: d8 полеште ош ладья ончыкталтын огыл).

Английыште калык с'езд эртен

Шукерте огыл Английын столицыже — Лондонеш калык с'езд („Народный конвент“) эртен. Тиде с'езд анлийысе пашазе организаций-шамыч погенет. Тушто анлийский калыкын эн сай представительышт лийыныт. С'ездыште 2.200 делегат утла погыненыт ыле.

С'ездым лондонский строитель-шамыч союзын руководительже Гарри Адамс почын.

— Калык с'езд капиталистический тӱнян осал да мучко вийже ваштареш кучедалаш ужылтын,—манын Адамс. Анлийский капиталист-шамыч колонийла гыч миллион дене парышым налыт. Колониальный

элласе шемер-шамычым пелэ шужыктен ашнат. Калыклан эрыкым кондышо мирым ышташ лиеш, но кызытсе Анлийский правительство тидым ыштен керташ огыл.

Калык правительством ыштышаш верч Адамс кучедалаш ужын.

Анлийский парламентын членже, пале юрист Притт тыге ойлен:

„Мемнан политикина — мемнан ваштареш кучедалаш элласе калык-шамычлан мирым енгын территорий-жым шупшыш налме дең посна да сенгалтше эл дең налогым налме дең посна ышташ предложитлымаште. Тыгай мир пӱтын калык-лан эрыкым кондышаш

ыле да нуылан шкаланышт правам пуышашлык ыле. Ме война-шамычлан мучашым ыштыше мир дек тыршена. Тиде задачым калык правительство гына шуктен кертеш. Кудын дек германский калык ушанымаш дене ончаш тӱналеш.

Советский Союз дене келшыше-шамычын обществыштын представительже Слоан ойлен.

— Воеватлыше — шамыч Советский Союзым куатле державылан шотлен шке велкышт шупшаш тыршат. Тудын вийже кеч кудо могырышкыжат кугу перевесым пуэн кертеш. Но СССР шке политикым ок пудырто, нейтральнык ко-деш. Войнам тӱналше империалистический эл-шамыч тек шкеныштын ви-

йышт дене шкештак вискален ончат. Англия СССР дене война шотышто гаяк. Вет тудо, Советский Союз ваштареш войнам увертарыше Лондонысо польский правительством поддержи-ватла. Анлийыште Советский Союз дене уло кумылын сотрудничатлен керте-ше правительством ыштен шуктымешке, Советский Союз анлийский прави-тельство дене сотрудничат-лен ок керт.

С'езд „Народный конвент-тын“ программжым при-ниматлен. Тиде програм-мыште тыгай требований-шамыч улыт:

1. Пашазе классын илы-шыжым саемдаш.
2. Воздушный бомбардировка дең ушанле аралал-машым ышташ да бомбар-

дировка лийме дене заныш логалше-шамычлан полы-шым пуаш.

3. Калык правам восста-новитлаш да шараш.

4. Банк, мланде, транс-порт ден шолдыра промыш-ленный предприятий-шамыч государствын кидыш-тыже лийшаш улыт.

5. Анлийын кид йымал-ныже улош Индийлан да моло эл-шамычлан эрыкым пуаш.

6. Советский Союз дене сай отношенийым ышташ.

7. Калык-шамыч прави-тельством ышташ.

8. Сенгалтше элын калык-ше-шамычлан тичмаш эры-кым пумо шотышто мирым заклучитлаш.

Отв. редактор—
П. А. КЛЮКИН.